



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

XXII. De his qui decimas suas dare nolunt, aut iniuste subtrahunt.

urn:nbn:de:hbz:466:1-15967

res ecclesiæ per mendacia vel mala ingenia in precariam sibi acquirere voluerit, & post factas precarias eadem mendacia ad aures eiusdem ecclesiæ rectoris delata fuerint, ipsa ecclesia res suas, quæ & ei mendaciter abstractæ fuerunt, pleniter absque ullius contradictione omnimodis recipiat. Ille vero, qui res suas per eadem mendacia propter cupiditatem ipsius precariæ, eidem ecclesiæ tradidit, simili modo in suam recipiat dominationem.

XXI.

Turonense,
tempore
Caroli c. 39.
De his qui in ecclesiis seu atriis ecclesiæ rixas mouerint, & mutuo inter se configunt, ex Concilio Moguntiacensi tempore Caroli capite vigesimo quarto, præcipimus, vt in ecclesiis siue atriis ecclesiarum vel domibus, placita sæcularia minime fiant, quanto minus rixæ & contentiones? Item capitulo trigesimonono: De honore ecclesiarum, & his qui ad ecclesiis configunt, & quod ecclesia cum magna reverentia adeunda sit, sicut in capitulari dominico continetur, & in Moguntiacensi, & Turonensi ac Arelatensi tempore gloriosi imperatoris Caroli Conuentibus decretum est.

Arelatense,
Concilium,
tempore
Caroli c. 21.

XXII.

De his qui decimas suas dare nolunt, & iniuste subtrahunt, ita vt qui quinque aut eo amplius aratra habuerint, iuxta æstimationem vnius aratri persoluant, & qui decimas, dominis consentientibus, dare nolunt, Concilio Arelatensi capitulo nono scriptum est: Ut unusquisque de propriis laboribus suis decimas & primitias Deo offerat, sicut scriptum est:

ANNO CHRISTI 1583. *Decimas & primitias tuas non tardabis offerre Domino Deo tuo.* Vbi nec liber, nec seruus excipitur, qui omnes vnum sumus in Christo, apud quem nulla habetur personarum acceptio. Item in Concilio Arelatensi, capitulo vigesimo: *Vt ecclesiæ antiquitus constitutæ, nec decimis, nec vlla alia possessione priuentur.*

XXIII.

Multi sunt, qui secundum humanas leges diuina spernentes iudicia, testes ac coniuratores sibi met producere volunt. Quos minime admittentes, sicut vnum confitemur Deum, vnam fidem, vnum baptisma, ita etiam vna per totum mundum ecclesia uniformiter pari lege & simili religione excolenda est. Itaque decernimus, vt iuxta diuinæ legis sanctionem, & secundum ipsius sedem ciuitatis, in qua ratio ventilatur, vnaquæque gens, & cuncta adiacens parochia subiaceat, ita vt auctoritate episcopi, aut iudicij examine, aut sacramenti protestatione se expurget. Et non minus quam quatuordecim annos ætatis habeat, qui ad testimonium admittendus est secundum censuram canonice institutionis, sicut in Africano Concilio capite nonagesimo octavo scriptum est: Testes ad testimonium non admittendos, qui nec ad accusacionem admitti præcepti sunt, vel etiam quos ipse accusator de sua domo produxerit. Ad testimoniū autem infra annos quatuordecim ætatis suæ non admittantur.

XXIV.

Decreuiimus etiam, vt pacis bonum & concordiam

Concil. Tom. 24.

Arelatense
Concilium

Eccc ij